



DEO OPTIMO MAXIMO
UNI ET TRINO,
VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA, *

QUOD LIBETARIIS DISPUTATIONIBUS,
*manē discutienda in Scholis Medicorum, die Jovis decimā septimā mensis
Februarii, anno Domini M. DCC. LXXIV.*

P R Æ S I D E,

M. BENJAMINO - LUDOVICO LUCAS DE LAUREMBERT,
Doctore Medico.

An ad extrahendum Calculum diffecanda ad pubem Vesica?

I



ALCULUS, qui vesicam diris divexat cruciatibus, eā dissectā quā primū eximendus est, omni ætate, quāvis anni tempestate, posthabitā etiam Cœli ratione. Oprandum ut atteri & comminui ille posset, atque urinæ effluentis impetu excernere-
tur: at cum nihil extet, quod id præstare valeat, una vesicæ sectio calculo laboranti opitulari & subvenire potest. Propterea Dei, hominum salutis studiosissimi, singulari consilio,

* M. Nicolai Pietre, ann. 1635.

uni omnium animantium homini, ex alvi sinu extat vesica; & cum superiore, tum inferiore sui parte quasi foras prodit, ut ita exposita facilè disseccari posset in hominis solatium.

I I

HOMINI duntaxat appensa vesica est peritoneo, eoque duplicato quasi sacco concluditur; unde cæteris visceribus illæsis, abdominis etiam cavo integro & intacto, cædi tutò in pube potest: mediâ sui parte demissa subter pubis ossa, cervice suâ perinæum attingit; fundo verò, ad pubem imam ventris partem elato, ea ipsa pubis ossa superat digitos ferè tres, ut cathetere paululum incurvo attolli possit in pube ad sectionem æquè commodè ac in perinæo. Venis, ab Hypogastricâ prodeuntibus, perfusa est plurimis, ut licet substantia omninò membranosa sit, cæsa tamen coeat facilè & sanescat, non cervice potius quàm aliâ quâvis sui parte, nimirum sanguine ad quasque divisas illius partes perquè appellente, easque glutinis instar connexente: præter adipem plurimum, qui privatâ & suâ consistentiâ, non partis cujus vis frigore, concrevit. Obtenduntur vesicæ, tum tendines membranosi muscutorum abdominis, tum pyramidales muscoli, qui ad ejus fundum coeunt, at, imâ suâ parte discreti, quasi designant & notant sectionis locum, si fortè disseccanda in pube sit vesica.

I I I

DISSECANDÆ ad pubem vesicæ, & ex eâ calculi eximendi ratio perfacilis est, minimùmque operosa: Chirurghi manus in id erudita, suis pollens viribus, hoc opus omne administrat & peragit. Ecce, ægro supino jacente, diductis cruribus, eisque vinculo devinctis, cathetere leviter ab imo inflexo, & aversâ sui parte eâque incurvâ rescisso, attollitur vesica, & cultello, exactâ acie, disseccatur ad fundum usque amplo & patente vulnere; tum amovetur catheter, & Chirurghi manûs alterutrius digitis quasi oculatis in

3

vulnus inditis, lustrantur vesicæ regiones omnes, & deprehensus calculus nullo negotio properè & celeriter extrahitur. Si vesicæ ille adhæreat, eliso digitis glutine, nullâ vi avellitur; quin si enata membrana sinum vesicæ faciat geminum, & calculum contineat, is, tenui forcipis ictu dilectâ membranâ digitis etiam educitur, atque hac arte nec divellitur discerpetur ve vesica, nec omninò aut minimùm contundetur, quod in vulneribus vesicæ potissimum est.

I V O T O O Q U I M O R

DISCISSA tantùm vesicâ levioris momenti vulnus habetur & est. In urinæ angustis quotusquisque dissectus fuit nullo vitæ discrimine? At unâ cum vulnere si collisa fuerit vesica, deterius jam vulnus est & sæpius lethale. Ut vesicæ Chirurgi calculi extractionem molientis præcipua laus sit, non solum curare ut expedita sit sectio & dolore minimo peragatur, sed imprimis studere, ut nullo periculo, nullo vesicæ damno, calculus educatur; geminum illud est, alterum dilaceratio, alterum conussio; alterutrum vel utrumque si affuerit, consequetur inflammatio brevi extinctura tenuem vesicæ calorem.

V

VESICA ad pubem incisâ, si plures subsint calculi omnes extrahentur, nec ullus superesse poterit. Sanguinis grumi, qui dum morantur, gravissimos invehunt affectus, unâ cum urinâ per ductum urinarium facillè elabentur: vulnus urinâ non proluetur, quod ad vesicæ discissæ unionem accelerandam facit plurimum; ita verò subjectum ocularis vulnus est, ut & illius & vesicæ vulneratæ Chirurgo omnis explorata futura sit ratio. Liberabitur æger tubulo illo qui in vulnus quam primùm immiti solet, turundâ etiam omni prælongâ, quæ duo cum adhibentur dolorem movent non levem, diathesin inflammatoriam fovent, quietem ferè

omnem adimunt : nec sordebit ille immundi illuvie , namque
& alvi onus pelvi , & urina matulâ commodè excipietur ,
licebit & mutare situm , modòque in dextrum modò in si-
nistrum latus , gratâ vice , decumbere. Uno verbo curatio
longè facilior , & certior multò sanationis spes erit.

Ergò ad extrahendum Calculum dissecanda ad pubem
Vesica.

DOMINI DOCTORES DISPUTATURI.

M. Joannes-Baptista-Fran-
ciscus DE LA RIVIERE,
utriusque Pharmacîæ Pro-
fessor, Consil. Med. Regis
ordinarius in ejus Castel-
leto.

M. Petrus-Josephus Mo-
RISOT DESLANDES.

M. Ambrosius HOSTY.

M. Guido DANIE DES-
PATUREAUX.

M. Henricus - Michael
MISSA, Regii Medico-
rum Collegii Nanceiano-
rum Socius honorarius,
antiquus Regis Exerci-
tuum in Germaniâ Medi-
cus ordinarius, Censor
Regius, Academiæ Cata-
launensis Socius.

M. Joan. MAC-MAHON,
Chirurgiâ Lutino idiomate
Professor designatus, An-
tiquus Exercituum Regi
& Nosocomiorum Mi lita-
riurum Medicus, Regiâ
Scholæ Militaris Medicus
ordinarius.

M. Cleriadus VACHIER.

M. Joannes - Nicolaus
MILLIN DE LA COUR-
VEAULT.

M. Franciscus THIERY,
Regis è salubri Consilio,
Regii Medicorum Collegii
Nanceii Socius honora-
rius, Regiæque ejusdem
civitatis Scientiarum &
humaniorum Litterarum
Academiæ, nec-non Biter-
rensis.

Proponebat Parisiis CLAUDIUS-FRANCISCUS DUCHANOY, Sequanus,
Saluberrimæ Facultatis Medicinæ Parisiensis Baccalaureus, A. R. S. H 1774.
A SEXTA AD MERIDIEM.

Typis QUILLAU, Saluberrimæ Facultatis Medicinæ Typographi. 1774.